

VOORBIDDING:

Geroep Gewillig Gestuur



Wêreld: Malawi en Zambië. Slagoffers van terreur en geweld regoor die wêreld. Die Midde-Oosterse onstabiliteit en oorlog, die uitkrinteffek daarvan op die res van die wêreld en die slagoffers weens aanvalle en teenaanvalle. Die beëindiging van die oorlog in Oekraïne en die slagoffers van beide Rusland en Oekraïne. Willem en Alla van der Colff en die werk wat hulle in Oekraïne doen. Ntsiuoa Tsemene en die werk wat sy in Malawi doen. Oplossings, planne en samewerking om aardverwarming se pas te vertraag en moontlik om te keer, asook om plastiekbesoedeling te verminder. Slagoffers van natuurrampe regoor die wêreld.

RSA & Dorp: Gesondheids- en Maatskaplike Dienste—hospitale en klinieke, medici, verpleërs en paramedici. Al die uitdagings waarmee ons land sukkel in basiese onderwys sowel as verdere opleiding. Oplossings vir die hoë misdadisyfers, veral misdade teen onskuldige kinders en kwesbares. Bendegegeweld, taxigeweld en slagoffers en gevolge daarvan in gemeenskappe. Hoop vir mense in gemeenskappe wat onder erge droogte gebuk gaan. Oplossings vir ons land se energiekrisis asook water- en sanitasie uitdagings. Politieke stabiliteit in ons land en wysheid en samewerking in die regering van eenheid. Werkbare oplossings en samewerking om die bek-en-klose ramp af te weer. Ondersteuning aan vloedslagoffers en opruimingspanne en die heropbou van plase en plaasgemeenskappe.

Gemeente & Kerk: Lidmate wat treur, siek en verswak is en diegene onder behandeling en aan die herstel. Dankbaarheid vir God se sorg. Gehoorsaamheid aan ons missie: Geroep, Gewillig, Gestuur. Die suksesvolle afhandeling van studentekinders en hoërskool- en laerskoolkinders se eksamens.

Baie geluk aan die volgende lidmate wat vandag verjaar: Lindi Lombard (Van de Graaf), Hugo Mocke (La Clemence) en Michelle Vlok-Barnard (Lochiel Road).

Teken in op ons E-Nuusbrief: Gaan na stelwel.co.za, klik op “kontak ons” en kies “teken aan op ons E-nuusbrief”. Volg die maklike stappe en siedaar, jy ontvang Vrydae ’n vriendelike halo-sê van die kerkkantoor met al die nuus.

**BLY OP DATUM MET
DIE GEMEENTENUUS
PER WHATSAPP**

072 462 1656

Stuur jou naam en
van via Whatsapp
na ons nommer
hierbo en ons voeg
jou by die groep!

Ons is ’n groen gemeente wat herwin!

In die vierkant by die houe, waar ons papier en glas herwin vir Huis Horison, is daar houe vir elektroniese en elektriese toerusting, asook vir energie-besparende gloeilampe, batterye en ou selfone. Jy kan selfs drukkers en ander rekenaar-toerusting wat stukkend is, of elektroniese speelgoed met batterye in, bring. Dan kan jy ook klere, beddegoed, handdoeke en lappe (in ’n goeie toestand) bring, skoon joghurtouers (en ander skoon kosverpakings waarin Voedingsaksie kos kan bedien) en ook huishoudelike items in ’n goeie toestand wat op die Wit Olifant Tafel verkoop kan word of aan die ACVV se winkel, *Ampe Veniet*, geskenk kan word. Sporttoerusting en boeke is ook welkom.



Weekblad van Stellenbosch-Welgelegen Gemeente

WELWEEK

Christus is die Here!

Daarom wil ons mekaar in verhoudinge opbou
Om so sy groot opdrag uit te leef.



21 Junie 2026

Koninkrykstyl

Vadersdag

Jaartema:

SORG

Erediens	09:30
Tema	God sien
Skriflesing	Genesis 21:8-21
Prediker	Elzanne van der Westhuizen
UIT-Sondag	09:30 - ons kinders begin die erediens saam met hul ouers en gaan dan kerkzaal toe vir hul jaarlikse pannekoekbakdag
Kerksbiblioteek	10:30 - neem boeke uit by ons biblioteek in die vierkant
Koinonia Kafee	10:30 - kuier verder saam met koffie en tee in die vierkant
Diens by Bonheur	18:00 - Danie Goosen



Raad vir pa's op Vadersdag

Wees ’n stereo-pa: jou een oor by God se mond en die ander by jou kind se hart. So bly jy in pas met God se pas vir elke kind. - Gary Smalley
Ons hoop al die pa's word sommer baie lekker bederf vandag!

Elzanne neem Sabbatsverlof vir Kai

Elzanne van der Westhuizen sal van 22 Junie tot en met 21 Julie met Sabbatsverlof wees. Predikante kry drie-jaarlikse 30 dae Sabbatsverlof en Elzanne gaan in hierdie tyd haar seuntjie, Kai, ondersteun met sy intensiewe bestralingsbehandeling wat vir ’n groot gedeelte van die tyd gaan duur. Ons bly bid vir Kai se volkome herstel.



Kom kuier saam by ons Koinonia Kafee

Al ons vaders word spesiaal genooi vir lekker sout en soet bederfies by ons Koinonia Kafee vandag ná die erediens. Die **Jong Werkende Bediening** sorg vir al die eetgoed en nooi almal om lekker saam te kuier.

ONS KANTOORURE is: Maandae - Vrydae van 08:00 tot 13:00

PROGRAM VIR DIE VOLGENDE WEEK: Maandag 22/06 tot Sondag 28/06

Ma 22/06	19:00	Viva Cantare Winterkonsert in ons kerk: kaartjies kos R50. Kore wat optree is Viva Cantare, Canticum Novum, Junior koor van Laerskool Stellenbosch en Senior koor van Eikestad Laerskool.
Wo 24/06	09:30 - 10:30	Geloofsgroei Byeenkoms in die konsistorie. Almal is welkom! Danie Goosen is die aanbieder. Ons kuier na die tyd verder saam in die vierkant met tee en koffie.
Do 25/06	10:00	Bybelstudie by Bonheur: Danie Goosen
Vr 26/06		Skole Sluit
Sa 27/06		US-Vakansie begin
So 28/06	09:30	Koninkrykstyf Erediens: Danie Goosen



Finansiële hulp gevra vir inwoner van Geluksoord

'n Inwoner gaan binnekort haar plek in Geluksoord Tehuis vir bejaardes verloor aangesien sy geen fondse meer het nie en haar kinders ernstige finansiële probleme het. Kontak vir Estelle Aspelg (082 787 5720 / jaa@sun.ac.za) as jy jou weg oopsien om 'n bydrae te maak.

Vandag se deuroffer gaan aan Geopende Deure: Geopende Deure is in meer as 60 lande betrokke by die verskaffing van Bybels en Christelike literatuur, leierskap- en dissipelskapopleiding, die voorbereiding van lewensonderhoud en hulp op verskeie gebiede aan vervolgte gelowiges, asook persoonlike besoeke aan vervolgte gelowiges. Hulle doen dié bedieningswerk in die Midde-Ooste, Afrika, Sentraal-Asië, China, Suid-Oos Asië en Latyns-Amerika.



Die deuroffer aan Sending: Zimbabwe, Malawi en Mosambiek op 14 Junie was R1 296-40.

BAIE DANKIE!!

Volgende week se deuroffer gaan aan Biblia/Hawesending/Seelui.



Betaal met
SNAPSCAN

(onthou om 'n
verwysing
in te tik.)



Junie se Barmhartighedsaksie-tema fokus op: Getuienis en Sending. Ons samel steeds warm klere, reënklere en komberse in wat ons uitdeel aan instansies om in die koue maande in die Stellenbosch-omgewing te versprei.

Die deuroffers sluit aan by die tema en gaan aan die Oekraïne-Sending, Sending: Zimbabwe, Malawi en Mosambiek, Geopende Deure en Biblia / Hawesending / Seelui.



Bankbesonderhede
Stellenbosch-Welgelegen NG Kerk (Nedbank)
Takno: 149821/198765 Rekno: 149 8046 320

NG Gemeente Stellenbosch-Welgelegen
Telefoon: 021 886 5975
E-pos: skriba@stelwel.co.za

Is jy nuut by ons? Kom gerus ná die diens na voor waar die predikant jou sal ontmoet en help met nuwe lidmate vorms en 'n "welkompakkie". Kom drink ook saam tee of koffie in die vierkant en neem boeke uit by ons biblioteek - ons sal jou graag wil ontmoet!

Lesotho-uitreik 2026

Ons beplan weer hierdie jaar 'n uitreik na Lesotho. Die datums is 24 September tot 3 Oktober. Alle lidmate, oud en jonk, is welkom om saam te kom. Hoërskoolkinders kan sonder hul ouers reis, maar laërskoolkinders moet asb vergesel wees van een of beide ouers. Kry ook solank alle paspoorte in orde! Indien jy/julle wil saamkom, kontak vir Braam Horn (071 608 4398 / braam.horn@mediclinic.com).



Bloedskenkkliniek

Die Wes-Kaapse Bloeddienste hou **Woensdag 22 Julie** tussen 15:00 en 18:00 'n bloedskenkkliniek in ons kerksaal. As jy gesond is en nie bang is vir die naaldprik nie, kom skenk gerus.

Nuwe Jong Werkende Bediening

Daar is nuwe energie in die gemeente met die vorming van ons Jong Werkende Bediening! Kom ontmoet hulle vandag by die Koinonia Kafee. Kontak vir Elizna Horn by 081 778 8008 of Gerrit Oosthuizen by 083 858 0008 as jy deel van hierdie bediening wil word. Kom maak saam planne en droom saam!

Moet asb nie sit en bibber in die erediens nie... neem gerus een van die fleece-kombersies by die ingang en gebruik tydens die erediens! Los dit net weer in die mandjies ná die erediens.



Baie geluk Wouter!

Ons gemeente se eie videograaf, Wouter van den Heever, het onlangs erkenning gekry vir films wat hy verlede jaar gemaak het. Die 2026 Internasionale Toerisme Film Fees van Afrika (ITFFA) het altesaam 438 film-inskrywings van 47 lande ontvang. Twee van Wouter se drie inskrywings het silwer toekennings gekry: *Chasing 120 Hours: The 2025 Munga* en *2025 Two Oceans Ultra 56km—The Sights & Sounds of Running the World's Most Beautiful Marathon*. Baie geluk Wouter! En baie dankie vir die ure wat jy agter die skerms insit met die vooraf opnames van preke vir ons webwerf.

Nagskuiling-koepons (R10) is by die kerkkantoor te koop en kan gegee word aan persone op straat wat dan by Nagskuiling kan oornag, 2 etes ontvang en kan stort.



Huisgeloofblad vir gesinne

Gesinne wat 'n hulpmiddel soek om tuis saam te lees, gesels, doen en bid, is welkom om 'n Huisgeloofblad af te laai van ons webwerf (www.stelwel.co.za) of die DinkJeug-webwerf (www.dinkjeug.co.za), of kry die skakel in ons E-Nuus. Die teksgedeeltes sluit ook aan by die teks wat in die erediens gebruik word.